



ՊՐՈՖ. Ա. ԱՐՐԱՀԱՄՅԱՆ

ԴԱՎԻԹ ԲԱՂԻՉԵՑՈՒ ՏԱՐԵԳՐՈՒԹՅՈՒՆԸ ԵՎ ՆՐԱ ԱՐԺԵՔԸ ՀԱՅ ՄԱՏԵՆԱԳՐՈՒԹՅԱՆ ՀԱՄԱՐ

§ 1. Հայ ժողովրդի պատմության տե՛ղ մի ժամանակաշրջան այնքան անմշակ չէ, որքան 15-18-րդ դարերի միջև ընկած շրջանը:

Լենկ-Թեմուրի արշավանքից հետո, կարծես, կտրվում է մեր պատմության թելը և հայ ժողովրդի հետագա ջրջանի պատմությունը դադարում նախորդ շրջանի պատմության օրգանական շարունակությունը լինելուց: Դա այնքան սովորական է դարձել, որ այդ մասը հայոց պատմության որոշ դասընթացներում ուղղակի դուրս է նետվում և հայ ժողովրդի հին ու միջին դարերի պատմությունը հասցրվում է մինչև 15-րդ դարը և այստեղ էլ վերջակետ դրվում:

Ինչ որ արհամարական վերաբերմունք գոյություն ունի նաև այս շրջանի աղբյուրների նկատմամբ: Այն ժամանակ, երբ հին շրջանի և վաղ միջնադարի բոլոր հայ պատմագրերը հրատարակվել են, կամ անգամ այնպիսի մատենագրեր, որոնք հրատարակված են 40-50 անգամ (Նյուշեն, Նարեկացի և ուրիշներ), 15-18-րդ դարերի պատմական սկզբնաղբյուրների մեծ մասը դեռ սպասում են հրատարակության հերթում: Ճիշտ է, այս շրջանի պատմագրները մանր են և նրանց նկարագրած ժամանակը պատմական շատ կարճ ժամանակաշրջան է ընդգրկում, բայց այնուամենայնիվ, նրանք կան և արժեքավոր են իրենց նկարագրած ժամանակաշրջանի համար: Այդ շարքի մանր պատմագրներից կարելի է հիշել խաչատուր Կաֆայեցուն, Կիրակոս Բանասերին, Նրեմիա Քոյմոբոճյանին, Ստեփանոս Դաշտեցուն և ուրիշներին: Արժեքավոր են նաև տե՛ղ միջնադարից մեզ հասած հազարավոր հիշատակարաններն ու հիշատակագրությունները, որոնց մեծ մասը նույնպես չեն հրատարակված:

Ուշ միջնադարի աչքաթող արված այս մատենագրների շարքին է պատկանում մեր ուսումնասիրության նյութ հանդիսացող բանա-

սեր Դավիթ Բաղիչեցու ծաղկաբաղ տարեգրությունը:

§ 2. Նախ մի քանի փոքր Բաղիչի և նրա գրությունների մասին:

Բաղիչն առաջին անգամ մեր մատենագրության մեջ հիշվում է Սեբեոսի մոտ^{*}: Բաղիչն, ինչպես պարզվում է, պատմական տեղեկություն է: Այդ տեղեկությունը գրի առնված 1680 թվին: Նա փոր թողած հիշատակարանում հայտնում է, որ իր ձեռագիրը «Գրեալ եղև ի Բաղէշ... որ ըստ Քերթովին Մովսէսի՝ տեղեկ անուանի^{**}» Այնպես որ Հյուսիսային կասկածներն այն մասին՝ թե Բաղիչը Աղձնիքի՝ մասն է կազմել, թե Բզնոնյաց, այժմ արդեն փարատված պիտի համարել^{***}: Շիրակացու «Նշխարհացոյց»-ում Բաղիչը հիշված է տեղեկ ձևով, իսկ սա Աղձնիքի գավառներից մեկն է հանդիսացել^{****}:

Հետագա մատենագրներից Բաղիչն ավելի որոշակի ձևով հիշվում է Թովմա Արծրունին: Նա խոսելով Աշոտի (Վասպուրականի իշխանի) տարած հաղթանակի մասին արաբական զորքի վրա, նշում է, որ հայոց զորքերը թշնամուն հետապնդեցին մինչև Շահաստան Բաղէշ^{*****}: Բաղիչի «շահաստան» ձևով հիշվելն ինքնին ցույց է տալիս, որ նա 10-րդ դարում Հայաստանի վաճառաշահ քաղաքներից մեկն է հանդիսացել:

Հետագա մատենագրներից Բաղիչն հիշված

^{*}) Սեբեոսի եպիսկոպոսի Պատմություն, աշխատ. Ս. Մախխանյանի, Երևան, 1939 թ., էջ 142:

^{**}) ՀՍՍՌ Մատենադարան, № 6434, Թ. 223ա:

^{***}) Հ. Հիւրշման, Հին հայոց տեղւոյ անուններ, Վիեննա 1907 թ., էջ 188:

^{****}) Տես Ա. Արշահամյանի «Շիրակացու մատենագրությունը», Երևան 1944 թ., էջ 349:

^{*****}) Թովմա վարդապետի Արծրունւոյ Պատմութիւն տան Արծրունեաց, ՍՊԲ 1887 թ., էջ 110:

է՝ Վարդանի «Աշխարհացոյց»-ում: Բաղեշն, ինչպէս երևում է, 13-րդ դարում Արծկի, Խլաթի և Հիզանի հետ միասին, Բզնունյաց շրջանի մասն է կազմել^{*)}:

Բաղեշը մեծանում և առևտրական խոշոր կենտրոն է դառնում հատկապես 17-րդ դարում: Գտնվելով տարանցիկ ճանապարհների խաչաձևման կենտրոնում և ակտիվ մասնակցելով փոխանակմանը, նա դառնում է հարավային Հայաստանի խոշորագույն քաղաքներից մեկը: 17-րդ դարում Բաղեշով էր անցնում Ուոհայից Դիարբեքիլի վրայով դեպի Խոյ և Թավրիզ տանող ճանապարհը: Բաղեշով էր անցնում Խարբերդից Արևելյան Արածանիի վրայով Մուշ և Արևելք գնացող ճանապարհը: Եվ վերջապես, Բաղեշից էր անցնում Սզերդի վրայով Կիոզ և Վանա լճի հյուսիսով՝ Խլաթի, Արծկի և Բերկրիի վրայով հյուսիս քնացող ճանապարհը: Նա 17-րդ դարում այնքան էր մեծացել, որ ուր ուսումնասիրողներին կարծիքով, ունեցել է մինչև 25.000 տուն բնակչություն՝ մեծ մասը հայ առևտրականներ և արհեստավորներ: Էփրիկյանը Բաղեշի մասին «Բազմավէպ»-ում տեղավորած իր հորվածում, հիմնվելով հնագույն հիշատակությունների վրա, գրտնում է, որ Բաղեշը Գի հնուց հայտն ճոխ և քաղմամարդ քաղաքներէն մին եղած է»^{**)}: Բաղեշն առանձնապես հայտնի է եղել իր ներկած կտավով— «շխլայով», որը արտահանության գլխավոր ապրանքներից մեկն է հանդիսացել: Նա հայտնի է եղել նաև իր խեփով, մոմով, մեղրով և այլ ապրանքներով:

Ահա այս շրջանում է, որ Բաղեշում սկսել են ծաղկել հայ գրչության աչքի ընկնող օջախները:

§ 3. Բաղեշի գրչության դպրոցը հայ կուլտուրայի և մատենագրության կարևորագույն օջախներից մեկն է հանդիսացել: Նա մեծ գործ է կատարել հայկական ձեռագրերը հավաքելու և ընդօրինակելու գործում: Կասկած չի կարող, որ եթե լինեք Բաղեշի հայ գրչության դպրոցը, ապա հին հայկական մեր մի շարք մատենագրներ և ունիկոմ ձեռագրեր անհետ կորած կլինեին մեզ համար: Բացի այդ, Բաղեշը ստեղծել է հայ մանրանկարչության օրիգինալ մի շկույա և մեծ դեր խաղացել, ընդհանրապես, հայ մանրանկարչության զարգացման գործում:

*) M. J. Saint Martin. *Memoires historiques geographiques, sur l'Armenie* T. II, Paris 1819, p. 428:

**) Էփրիկյան, Բաղշ (տես «Բազմավէպ», 1901 թ., № 1, էջ 13—20):

Իրավացի է բանասեր Սառաֆյանը, երբ փր «Լուսավորության պատմությունը» անգլերեն աշխատության մեջ նշում է, որ «Այս (այսինքն Բաղեշի Ա. Ա.) դպրոցը աչքի էր ընկնում XVII դարում, որպես խոշորագույն կենտրոն ուսումնասիրության... նա ուներ ձեռագրերի լավագույն ժողովածու»^{*)}:

Բաղեշի գրչությունը կենտրոնացած է եղել, գլխավորապես, շորս վանքերում— 1) Գոմանց կամ Տատրաքնակ Աստվածածնում: ուր գտնվել է Բաղեշի հոգևոր առաջնորդարանը, 2) Խնդրակատար կոչվող Աստվածածնի վանքում (ուր աչքի ընկնող ուսուցիչներից էին Ներսես Բաղիշեցին, մյուս Ներսեսը, Կարապետը, Հերապետը, Պետրոս վարժապետը և ուրիշները), 3) Ավիսու կոչվող Աստվածածնում և 4) Ամիրդուռ վանքում: (Վերջինս իր ծաղկման շրջանն ապրեց 16-րդ դարի վերջից մինչև 18-րդ դարը: Նրա աչքի ընկնող գործիչներն են հանդիսացել Հովհաննես և Խաչատուր գիտուն մարդապետները, հանրածանոթ տաղասաց Վարդան Բաղիշեցին և ուրիշները):

Մեր հեղինակի, Դավիթ Բաղիշեցու դործունեությունը կապված է եղել Խնդրակատար Աստվածածնի գրչության դպրոցի հետ:

§ 4. Դավիթ Բաղիշեցու անձնավորության մասին բավականաչափ տեղեկություններ հասել են մեզ: Նա, ինչպես երևում է իր կոչումից, Բաղեշից է: Մնված պիտի լինի մեր հաշվով, 1610-1620-ական թվերին: Հոր անունն է Ալեքսան, իսկ մորը՝ Խանաղի: Ունեցել է մի եղբայր (մահտեսի Մելիքսեթը) և մեկ քույր (Խաթունադը): Որոշ հիշատակարաններում Բաղիշեցու այս հարազատների շարքում հիշվում է նաև նրա եղբոր որդին՝ Սահակը (երբեմն հիշվում է Իսահակ ձևով) և նրա «Գրոց աշակերտը»— Ավետիս քահանան, որը հայտնի է Բանասեր մականոմով: Բաղիշեցու այս բարեկամական շրջանի մասին ուշագրավ տեղեկություն մեզ տալիս է Գրիգոր Ժողով, Դավթի պատվերով ընդօրինակած ձեռագրի հիշատակարանում. «Արդ գրեցաւ սա ի քաղաքս Բաղէշ,—գրում է նա,—ընդ Հովանեաւ... սրբոց, որք աստ կան հաւաքեալ՝ ի խնդոյ սրբազան և քաջալոյթ փրկիսփայլի Դավթի վարդապետին ի վայելումն անձին և յիշատակ բարի հոգւոյ իւրոյ և ծնողացն— հօրն՝ Ալեքսանին և մօրն՝ Խանաղին և հոգւոր որդւոյ իւրոյ՝ տէր Աւետիս սրբասնտնդ քահանային և հարազատ եղբօրն՝ Մելիքսեթին և քուերն Խաթունադին և նորաբողբոջ մանկանն Սահակ եղբորորդոյ

*) K. Sarafian, *History of Education in Armenia*, la Verne, 1930, p. 142:

իւրոյ և ամենայն արեւմտաւոր մերձաւորացն, կենդանեացն և հանգուցելոցն*)։ Իր ծնողներէի և աշակերտի մասին փոքրիկ հիշատակութիւն ունի նաև ինքը Բաղիշեցին, Գրիգոր Տաթևացու վանականի՝ Հոբի մեկնութեան լուծման իր ընդօրինակած ձեռագրի հիշատակարանի մեջ Ձտրուպ Բաղիշեցի Դաւիթ քանասէրս հիշեցէք ի Քրիստոս Աստուած մեր, որ ստացայ զՅորայ մեկնիչս և ետու գրել զլուծմունքս և եղի ի միում տփի՝ յիշատակ ինձ, անարժանիս, և ծնողաց Աւերսանոսին և Խանաղին՝ հանգուցելոցն և Քրիստոս, և հոգեւոր որդոյն իմոյ տէր Աւետիս գրոց աշակերտի, թուին ՌՃԺԳ (1664)**)»։

Վանի առաքելոց վանքի երբեմնի սեփականութիւնը կապմոդ մի ձեռագրի հիշատակարանից երևում է, որ Դաւիթը բարեկամական որոշ կապ է ունեցել տաղասաց Վարդան Բաղիշեցու հետ։ Հիշատակարանում կարդում ենք. «Զքերազանցեալն հոգով, ղպերճացեալն բանիւ իմաստութեան, զԲաղիշեցի Վարդան րաբունապետն յիշեալից առ յոյսն ամենեցուն Քրիստոս Բանդեմ Բաղաւաթաւ իւրով Դաւիթ վարդապետիւ (ընդգրծումը մերն է Ա. Ա.), զի Եղիազարու վանաց գրքերն և (40) հին փիթալ գիրք վերատին նստուն նորոգել և կազմել, և զեկեղեցու սաղեբն և զգումբէն վերատին նորոգեաց... թուին ՌՃԻԲ (1673)***)»։

Դաւիթ Բաղիշեցին իր ժամանակի մեծ հեղինակութիւն ունեցող անձնավորութիւններից մեկն է հանդիսացել։ Այդ, ի միջի այլոց, ւերւում է 1661 թվին Բաղեշի Գումանց Աստվածածնի կոյնող վանքում գրված մի ձեռագրի հիշատակարանից։ Գրիշը առաջնորդ Մեսրոպ վարդապետի հետ միասին, որպես հովանավորող անձնավորութեան, հիշում է նաև Դաւիթ Բաղիշեցուն. «Գրեցաւ... ի կաթողիկոսութեանն սուրբ աթոռոյն էջմիածնայ տէր Յակոբին և ի հայրապետութեանն սուրբ ոսկտին տէր Մեսրոպ րաբունապետին և աշակերտի, Դաւիթ վարդապետին իւրոյ, որ քազում ջանս և սէր ունին հետ մեղաւորիս****)»։

Դաւիթն իր կրթութիւնը, մանկական հասակից, ստացել է Բաղեշի առաջնորդ Մես-

րոպ եպիսկոպոսի մոտ։ Այդ մասին նա հիշում է իր տարեգրութեան մեջ. «Մենալ ի մանկութենէ առ ոտս երջանիկ և երիցս երանեալ հօրն մերոյ Մեսրոպ վարդապետի անյաղթ փիլիսոփայի և քաջ քարտուղարի»։ Այս Մեսրոպը Հակոբ Զուգայեցու աշակերտներից էր և Փիլիպոս կաթողիկոսի կողմից Բաղեշի առաջնորդ էր նշանակվել 1638 թվականից։ Նույն Մեսրոպից նա 1641 թվին ստացել է զգաւազան իշխանութեան, այսինքն վարդապետելու, քարոզելու իրավունք։ 1651 թվին Դաւիթը նշանակվում է Բաղեշի խնդրակատար Աստվածածնի կոյնող վանքի վանահայր։ Այս մասին նա իր տարեգրութեան մեջ գրում է. «Թուին ՌՂ (1641 թ.) ընկալայ ի նմանէ (այսինքն Մեսրոպ վարդապետից. Ա. Ա.) աստիճան քահանայութեան և յետ 2 (6) ամի զաւազան իշխանութեան, թէպէտ թափուր և տգէտ գորով իմ յուսմանէ։ Թուին ՌՃ (1651 թ.) մղին զանարժան ծառայ խնդրակատար սուրբ Աստվածածնին»։

Մեր այս Դաւիթին չափաւոր զփոթել նրա ժամանակակից և Բաղեշում ապրող ու գործող մի այլ Դաւիթ քահանայի հետ, որը դարձյալ Մեսրոպ վարդապետի աշակերտն է եղել։ Վերջինս 1658 թվին Բաղեշում ընդօրինակած մի ձեռագրի հիշատակարանում իր բարեկամական շրջանի մասին գրում է. «Արդ՝ որք ճաշակէք ամենալի սեղանոյս... աստուած ողորմի ասէք ինձ անարժան (Դաւիթ Ա. Ա.) գծողիս և ծնողացն իմոց՝ Սուքիասին և Հոսրիփաշին և իմ սղբարց՝ Բլբուլին, Մովսէսին, Եղեկիէին և նորահաս մանկան իմոյ Ստեփանոսին...»։

Բաղիշեցին մահացել է իմում 1673 թվին և թաղվել այնտեղ։

§ 5. Որքան հարուստ և Բաղիշեցու անձնավորութեան վերաբերող նյութերը, այնքան կցկտուր են նրա գրական-բանասիրական աշխատութիւններին վերաբերող տեղեկութիւնները։ Նրա գրական աշխատութեան մասին մենք ի վիճակի ենք դատել միայն մեզ հասած այն ձեռագրերից, որոնք ընդօրինակել է ինքը, կամ հանձնարարել է ընդօրինակելու ուրիշներին։

*) ՀՍՍՌ Մատենադարանի ձեռագիր, № 5179 Բ. 242ա, ր։

**) ՀՍՍՌ Մատենադարանի ձեռագիր, № 5732 Բ. 165ա։

***)) Տե՛ս «Գիւմն հայոց պատմութեան» 10-րդ հատոր, Բիթլիս 1912 թ. (հրատ. Գ. ԲՆ. Աղանեանի), էջ 18։

****) ՀՍՍՌ Մատենադարանի ձեռագիր, № 8079, էջ 354—355։

*) Դաւիթ Բաղիշեցու ծաղկաբաղ տարեգրութիւն, էջ 84 (այստեղ և մյուս բոլոր տեղերում մենք զգույն ենք հրատարակութեան համար մեր պատրաստած տեքստից և մատնացուց արել նրա էջահամարները)։

**) Դաւիթ Բաղիշեցու ծաղկաբաղ տարեգրութիւն, էջ 84։

***) ՀՍՍՌ Մատենադարան, ձեռագիր № 7270, Բ. 180ա։

Դավիթ Բաղիշեցու ձեռքով գրված և մեզ հասած ամենահին ձեռագիրը—այդ շատ Մատենադարանի № 8692 ձեռագիրն է, որը ընդօրինակել է 1653 թվին: Ձեռագրի մանրանկարչությունը կատարվել է հետագայում: Այս մասին հիշատակարանում կարդում ենք. «Ճանկացող եղեալ [զսա] բարեմիտ քահանայն տէր-Վարդան և ստացաւ զսուրբ քառաչահեան աւետարանս, զոր էր դրեալ թարց նկարագրութեան ձեռամբ Դավիթ վարդապետ Բաղիշեցոյ...»^{*)}:

ՇՍՍԻ Մատենադարանում գտնվում է 1651 թվի ընդօրինակած մի ձեռագիր— № 1752 ձեռագիրը, որի գրիչն է ոմն Դավիթ, որի գիրը շատ նման է Բաղիշեցու գրին: Նրա հիշատակարանում ասված է. «Ձառածեալս մեղօք յիշել ի սրբանուեր յաղօթս ձեր աղաչեմ վասն աստուծոյ զգծողս Դավիթս ի տէր: Իրեցաւ թուիս հայոց Ռ և Ծ (1651)»^{**)}: Հաստատապես ասել թե սա Բաղիշեցի Դավիթն է, դժվար է: Ի միջի այլոց ՇՍՍԻ Մատենադարանում կան նման կարգի կասկածելի մի քանի այլ ձեռագրեր ևս, որոնց վրա մենք կանգ չենք առնում:

Յոթ տարի հետո, 1660 թվին, Թումա գրիչը Բաղիշեցու պատվերով ընդօրինակել է Հովհան Ոսկեբերանի և Եփրեմ Ասորու Պողոսի տասն և չորս թղթերի մեկնությունը և թողել հետևյալ հիշատակարանը. «Սուրբ Կաթողիկոս և յոթար կամօք ետ գրել զսա (վարդապետն Դավիթ) յարդար վաստակուց իսրոց... ի մեծ թուականս հայոց ՌԾ և Թ (1660) ամին, ի Բաղէշ քաղաքի»^{***)}: Այս ձեռագիրը սկզբում գտնվել է Սեանում, գրանցվել է նրանց № 99-ի տակ^{****)}, իսկ հետո տեղափոխվել ՇՍՍԻ Մատենադարան:

Հաջորդ տարին, 1661 թվին, մի այլ գրիչ, Գրիգոր անունով, Բաղիշեցու համար ընդօրինակել է Եփրեմի՝ Երեմիայի մեկնությունը, գանգատվելով ժամանակի դառնության վրա. «Արդ՝ գրեցաւ սուրբ տառս, որ է մեկնութիւն Երեմիայի մարգարէին, ի թուին հայոց ՌԾ և Ժ (1661)՝ ձեռամբ... Գրիգոր երիցու, ի դառն և վշտաշատ ժամանակիս, որ նեղիմք ի ձեռս այլազգեաց և հարկապահանջութեան նոցա»^{****)}: Այս ձեռագիրը

գտնվում է ՇՍՍԻ Մատենադարանում:

1664 թվին Բաղիշեցու պատվերով ընդօրինակվել է Գրիգոր Տաթևացու Հօբի մեկնությունը: Ձեռագրի հիշատակարանը գրել է ինքը, Բաղիշեցին^{*)}: Այս ձեռագիրը ևս ՇՍՍԻ Մատենադարանի սեփականություն է հանդիսանում:

Դավիթ Բաղիշեցու անվան հետ կապվում է իմ անապատում երբեմնի գտնված մի հարանց վարք, որն ունի Դավիթի փոքրիկ հիշատակագրությունը՝ իրեն, Վարդան Բաղիշեցու (տաղասացի) և Մեսրոպ վարդապետի (իր ուսուցչի) հետ իմ անապատ ուխտի գալու և մի շարք նվերներ վանքին տալու մասին: Այս ձեռագիրը, դժբախտաբար, առաջին համաշխարհային պատերազմի ժամանակ տաճկական վայրագությունների շրջանում կորել է:

Եվ վերջապես, 1669 թվին Բաղիշեցին ընդօրինակել է տվել Իգնատիոսի կողմից Ղուկասի և Մատթեոսի ավետարանների մեկնությունը: Այս մասին նա գրել է. «Վարդապետն Իգնատիոս մեկնեալ [էր] զաստուածնկալ սուրբ աւետարանս Ղուկասու... և ես հէգս և թշուառական և թափուրս յամենայն գործոց բարեաց, տրուպ Դավիթ քանասէր... ցանկացայ սմա... և յանկեալ աւարտեցաք ի թուաքանութեան Յաքեթական տոմարի Ռ և Ծ և ԸԺ աներորդի...»^{**)}: Այս ձեռագիրը Բաղիշեցու վերջին ձեռագիրն է հանդիսացել: Այդ երևում է նույն ձեռագրում Մեսրոպ վարդապետի թողած մի հիշատակարանից, ուր կարդում ենք. «Ես Բաղէշու քաղաքի վերատեսուղ տառապեալ տրուպ Մեսրոպ վարդապետս ի թուին ՌԾԻԲ (1673) եկի ի ծովաշուրջ անապատն լմայ հանդերձ հոգեւոր որդւոք իմովք, Դավիթ վարդապետեան և Աւետիք քանասէրու, Դավիթ վարդապետն վախճանեաց զկեանս իւր... և մարմինն եղեալ եղև ընդ Հովանեաւ սուրբ Գևորգայ զօրավարին...»^{***)}: Ուրեմն, Դավիթ Բաղիշեցին Մեսրոպ վարդապետի հետ միասին ուխտի է եկել իմ, այստեղ էլ մահացել ու թաղվել:

Որ իրոք, Դավիթ Բաղիշեցին մահացել է իմում, այդ երևում է նաև իմում Դավիթի գերեզմանի վրա գրված տապանաքարից, ուր կարելի էր կարդալ. «Կանգնեցաւ սուրբ խաչս բարեխոս առ Աստուած. Բաղիշեցի Դավիթ վարդապետին, և ամենայն աշխատողացն. յիշեցէք ի Քրիստոս. թուին ՌԾԻԲ

*) ՇՍՍԻ Մատենադարան, ձեռագիր № 8692, Բ. 310բ:

**) ՇՍՍԻ Մատենադարան, ձեռագիր № 1752, Բ. 98բ:

***) ՇՍՍԻ Մատենադարան, ձեռագիր № 4109, էջ 700:

****) Ն. Մառ, Ճուրակ համառոտ ձեռագրաց վաճառք Սեանայ, Մոսկվա, 1892 թ., էջ 45:

*****) ՇՍՍԻ Մատենադարան № 5179, Բ. 242ա:

*) ՇՍՍԻ Մատենադարան № 5732, Բ. 165ա:

**) ՇՍՍԻ Մատենադարան, ձեռագիր № 5166 Բ. 503ա:

***) Նույն, Բ. 185ա:

(1673)*)։ Այս ձեռագիրը սկզբում գտնվել է Լիմ անապատում, քսկ հետո, առաջին համաշխարհային պատերազմի ժամանակ մի շարք ձեռագրերի հետ տեղափոխվել է էջմիածին և այժմ ՀՍՍՌ Մատենադարանի անփականությունն է։

Բացի վերև հիշված ձեռագրից և տարեգրությունից, անկասկած, Դավիթ Բաղիշեցին ունեցել է ինքնուրույն աշխատություններ, որոնք մեզ չեն հասել։ Այդ երևում է Բաղիշեցու ժամանակակիցների կողմից նրան տրված այն մականուններից, որոնց հաճախ հանդիպում ենք մենք. «քաջ փիլիսոփա», «անյաղթ իմաստուն», «մեկնող ամենայն խորածածկ գրոց» և այլն։ Դավիթն ունեցել է բանասիրական-մեկնողական կարգի ուրիշ աշխատություններ, որոնք և հիմք են տվել ժամանակակիցներին նման էպիտետներ գործածել։

§6. Դավիթ Բաղիշեցու «Մաղկաքաղ տարեգրությունը», որի մասին մենք ցանկանում ենք խոսել, մատենագրական ինչ որ նորություն չի հանդիսանում։ Նա հայտնի է հայագիտական նեղ շրջանակում։ Նրանից առաջին անգամ, ձեռքում տաղի շափ մի փոքրիկ հատված, առանց կոմենտարիայի, բերել է Ղ. Վ. Փիրղալեմյանն իր «Նոտարք Հայոց»-ում**): Այնուհետև Բաղիշեցու պատմությանն անդրադարձել է Հ. Թոփչյանը 1898 թ. իր կազմած խաչիկ վ. Դադյանի ձեռագրաց ցուցակում՝ տարեգրության իրեն հայտնի ընդօրինակությունը նկարագրելիս***): Նա ևս Բաղիշեցու տարեգրությունից բերել է մի քանի փոքրիկ հատվածներ և առաջ քաշել այդ երկի հրատարակության

անհրաժեշտությունը։ Նույն թվին «Արարատ» ամսագրում Կիլիկեցի ստորագրությամբ, (հավանական է նույն Թոփչյանը լինի) լույս է տեսել Դավիթ Բաղիշեցու մասին մի փոքրիկ հոդված և նորից շեշտվել նրա տարեգրության կարևորությունը*)։ Բաղիշեցու տարեգրության մասին մի քանի տող տեղեկություն է տվել Ղ. Ալիշանը իր «Հայապատում» աշխատության մեջ, Սակայն նա, ըստ երևույթին, տարեգրությունն անձամբ չի տեսել, ուստի և սխալմամբ ենթադրում է, որ Բաղիշեցու տարեգրությունը սկսված պիտի լինի «արաբացուց աշխարհակալութեան սկզբէն»**), այն ինչ նա սկսվում է ավելի հին շրջանից։ Եվ վերջապես, 1912 թվին Կ. քհն. Աղանյանցն իր «Դիւան հայոց»-ի 10-րդ հատորում, որը նվիրված է մանր մատենագրներին, կանգ է առել Բաղիշեցու տարեգրության վրա և Փիրղալեմյանից առնելով մի քանի հատված, որպես նմուշ, հրատարակել***): Հայագիտներից վերջին անգամ, Բաղիշեցու տարեգրության վրա կանգ է առել մեծանուն գիտնական Հ. Աճառյանը՝ իր «Հայոց անձնանունների բառարան»-ի երկրորդ հատորում և նորից շեշտել նրա հրատարակության անհրաժեշտությունը****): Սակայն Թոփչյանի, Աղանյանցի և Աճառյանի հայտնած ցանկությունները մնացել են լուկ ցանկություն։

(Շարունակելի)

*) Կիլիկեցի, Դավիթ Բաղիշեցի (տես «Արարատ» 1898 թ., էջ 120—124)։

**) Ղ. Ալիշան, «Հայապատում», Վենետիկ 1901 էջ 129։

***) Դիւան հայոց պատմութեան, 10-րդ հատոր, էջ 40—56։

****) Հ. Աճառյան, Հայոց անձնանունների բառարան, Բ հատոր, Երևան 1944 թ., էջ 57—58։

*) Դիւան հայոց պատմութեան, գիրք Ժ, էջ 56։

**) Փիրղալեմյան, Նոտարք Հայոց, Կ. Պոլիս 1868 թ., էջ 56, 122—23, 148, 210։

***) Հ. Թոփչյան, Ցուցակ ձեռագրաց Դադյան խաչիկ վարդապետի, Վաղ-պատ 1898 թ., էջ 69—69։

